

Օրենքի ընդունումը դժգոհության ալիք առաջացրեց առանձնապես ազգային փոքրամասնություններով հոծաբնակ տարածաշրջաններում, որտեղ տեղացիները տարբեր պատճառներով դարձել էին այլ երկրների քաղաքացիներ: Մասնավորապես՝ Ջավախեթիում, Թբիլիսիում, Բաթումիում, այլուր: Ծնողները հավաքվում, բողոքում եւ պահանջում էին վերջ դնել խտրականությանը: Հենց այդ ժամանակ էլ ծագեց համապատասխան հայտով բողոք ներկայացնելու գաղափարը: Արդյունքում՝ ախալքալաքցի շուրջ 40 ծնող դիմեց Վրաստանի ժողովրդական պաշտպանի Ախալքալաքի գրասենյակ, Սամցխե-Ջավախեթիում ժողովրդական պաշտպանի ներկայացուցիչ Արմեն Մարանգոյանին:

Ինչպես մեզ հետ զրույցում նշեց «Վրաստանի երիտասարդ իրավաբանների ասոցիացիայի» ներկայացուցիչ Գիորգի Գոցիրիձեն, օտարերկրյա քաղաքացիություն ունեցող երեխաների ուսման վարձի հարցի կարգավորման խնդրանքով իրենց դիմել է Սամցխե-Ջավախեթիի

2 / 3

